

Tillaga skóla- og frístundaráðsfulltrúa Samfylkingarinnar, Viðreisnar, Pírata og Vinstri grænna um Barnabókamessu

Skóla- og frístundaráð leggur til að efnt verði til Barnabókamessu 18. og 19. nóvember 2021 í Hörpu í samstarfi við Reykjavík bókmenntaborg UNESCO og Félag íslenskra bókaútfenda. Tilgangurinn verði að bæta bókakost skólabókasafna borgarinnar og glæða áhuga barna og ungmenna á lestri nýrra íslenskra bóka. Á messunni verður lögð áhersla á að kynna nýjar íslenskar barna- og ungmennabækur fyrir fulltrúum skólasafna grunnskóla og leikskóla borgarinnar og þeim tryggt viðbótarfjármagn til að kaupa nýjar bækur að eigin vali á messunni fyrir bókasöfn starfsstöðva sinna á sérstöku kynningarverði. Lagt er til að sérstök fjárveiting til grunnskóla og leikskóla vegna Barnabókamessunnar verði alls 9 milljónir, sem rúmast innan fjárheimilda skóla- og frístundasviðs.

Greinargerð:

Á árinu 2017 gengu skóla- og frístundasvið Reykjavíkurborgar og Félag íslenskra bókaútfenda til samstarfs um verkefni til að glæða áhuga barna og ungmenna á bóklestri. Barnabókamessan var haldin öðru sinni í nóvember 2018 og voru þá gerðar nokkrar breytingar á tilhögun, opnunartíma og staðsetningu messunnar til að mæta betur þeirri miklu aðsókn sem skapaðist strax í byrjun. Almenn ánægja var með framtakið og þær breytingar sem gerðar voru milli ára. Hagstæð kjör og sérstök fjárveiting skipta miklu máli til að allir nemendur geti notið þess að lesa nýjar bækur á sama tíma og umfjallanir um þær birtast í fjölmiðlum. Aðgengi að veglegu úrvali nýrra bóka fyrir jól jafnar aðstöðu barna og unglinga til aðgengis og lesturs.

Mikil ánægja hefur verið með þá brú sem Barnabókamessan hefur myndað á milli höfunda og útfenda annars vegar og starfsfólks grunnskólasafnanna og leikskólanna hins vegar. Rekja má íslenska útgáfu bókaflokkanna PAX og Seiðmenn hins forna beint til slíkra samskipta. Samtals hafa nú komið út 8 bækur í þessum flokkum og njóta þær mikilla vinsælda í útlánum.

Líkt og undanfarin ár verður sendur út pöntunarlisti með verði bókana nokkrum dögum fyrir messuna. Þeim forsvarsmönnum skólabókasafna sem ekki eiga heimangengt gefst áfram kostur á að nýta sér pöntunarþjónustu með því að senda inn sínar pantanir.

Lagt er til að Barnabókamessan 2021 verði haldin dagana 18. og 19. nóvember 2021 í Hörpu nánar tiltekið í salnum Rímu á 1. hæð. Stefnt er að því að opið verði frá kl. 11 fimmtudaginn 18. nóvember og allan daginn 19. nóvember. Tímasetning messunnar í ár tekur mið af því að þá má ætla að flestir útgáfutitlar verði komnir úr prentun en hægt verður að panta allar bækur sem komnar verða á markað. Gert er ráð fyrir viðveru höfunda, myndskreyta og útfenda sem verða tilbúnir til samtals um verk sín.

Verðlagning verði með sama hætti og áður. Á síðustu Barnabókamessu keyptu stofnanir Reykjavíkurborgar bækur fyrir kr. 11.108.214 auk þess sem nokkuð margir leikskólar greiddu með innkaupakortum. Sérstök fjárveiting var 9 milljónir. Margir nýta jafnframt sín föstu fjárframlög til kaupa nýrra bóka enda kjörin mjög hagstæð.